



“FUQIZIMI I ORGANIZATAVE TË SHOQËRISË CIVILE PËR MBROJTJEN E MJEDISIT NË SHQIPËRI”

Takim informues për grantet e Rrjetëzimit, Advokacisë dhe Ndikimit në Politikbërje

16 dhjetor 2021

Qëllimi dhe prioritetet




Qëllimi i përgjithshëm:

Fuqizimi i OSHC-ve për të adresuar problematikat që lidhen me mjedisin natyror dhe urban në nivel lokal, përmes rrjetëzimit, advokimit dhe ndikimit në proceset politikbërëse në nivel rajonal dhe kombëtar.


Prioritetet :

Prioriteti 1: Mbështetja e OSHC-ve për ndërtuar e fuqizuar rrjetëzimin ndërmjet tyre dhe me grupe të tjera interesi për të ngritur e adresuar çështje mjedisore;

Prioriteti 2: Rritja e fuqisë advokuese dhe monitoruese të OSHC-ve mjedisore për të promovuar mbrojtjen e mjedisit dhe për të rritur të drejtën për informacion mbi procesin e vendimmarrjes që ndikon në mjedis.



Mbështetja financiare



*Mos parashikimi i kryerjes së investimeve nuk është kriter penalizues.

Kriteret për të aplikuar në këtë thirrje



Rrjetet Rajonale

Duhet të **përqendrojnë veprimtarinë** e tyre në **rajonin/qarkun në të cilin aplikojnë** si dhe të kenë legjitimitet të plotë të përfaqësimit të komuniteteve dhe të çështjeve mjedisore. Ato do të duhet të **bashkëpunojnë** dhe **ndërveprojnë** me organizatat fituese në **Grantet e Iniciativës dhe Partneritetit**.



Rrjetet Kombëtare

Duhet të **përqendrojnë veprimtarinë** e tyre në **të gjithë territorin e vendit** por në varësi edhe të tematikës së zgjedhur duhet të marrin në konsideratë çështjet e **ngritura nga Rrjetet Rajonale** për ti ngritur ato në një nivel më të lartë diskutimi.

- **Aplikanti kryesor:** organizatë e shoqërisë civile (OSHC) me fokus në çështje mjedisore;
- **Bashkë-aplikantët:** organizata të shoqërisë civile.

Në këtë thirrje, aplikantët duhet të formojnë një partneritet i cili minimalisht duhet të jetë i përbërë nga **1 OSHC**, në cilësinë e Aplikantit Kryesor **dhe 2 OSHC**, në cilësinë e Bashkë-aplikantit.

Kujdes! Ky është një kusht i cili duhet të plotësohet në të gjitha partneritetet të cilat do të aplikojnë në këtë thirrje. Aplikantët mund të zgjedhin të bashkëpunojnë dhe të përfshijnë në partneritet edhe partnerë të tjerë të cilët janë listuar në pikën 4.2.2. të Udhëzuesit.

1. Të jetë Organizatë jofitimprurëse (OJF) e regjistruar sipas ligjit nr. 8788 dates 07.05.2011 “**Për organizatat jofitimprurëse**”;
2. Të jetë organizatë që ka në fokusin e saj mjedisin dhe mbrojtjen e promovimin e habitateve;
3. Të ketë **minimalisht 3 vite eksperiencë** në rast se do të aplikojë për **Rrjetet Rajonale** (3 vite nga regjistrimi në Gjykatë);
4. Të ketë **minimalisht 5 vite eksperiencë** në rast se do të aplikojë për **Rrjetet Kombëtare** (5 vite nga regjistrimi në Gjykatë);
5. Eksperienca të mëparshme pune apo angazhimi në rrjete tematike do të konsiderohet vlerë e shtuar;
6. Të mos ketë konflikt interesi me asnjë nga organizatat partnere të Green-AL si edhe mbivendosje të aktiviteteve me projekte që janë ende nën marrëdhënie kontraktuale. Nëse gjatë zbatimit të marrëveshjes lind ndonjë konflikt interesi, përfituesi duhet të njoftojë menjëherë organizatën Grant-dhënëse.

E rendësishme: Aplikanti kryesor duhet të ketë një marrëveshje partneriteti me shkrim me Bashkë-aplikantët e projektit. Në marrëveshje duhet të specifikohet roli specifik i gjithsecilit prej partnerëve.

Në këtë thirrje për të formuar një partneritet të suksesshëm duhet **të përfshihen medoemos 2 OSHC.**

Bashkë-aplikanti(ët) duhet të jetë Organizatë jofitimprurëse (OJF) e regjistruar sipas ligjit nr. 8788 datë 07.05.2011 “ Për organizatat jofitimprurëse”.

Opsionale. Nëse aplikanti e konsideron vlerë të shtuar mund të përfshij në partneritet, pa buxhet, një apo disa nga aktorët e listuar më poshtë:

- a. Organizime apo grupime jo-formale rinore, kulturore, gjinore, etj.;
- b. Departamente nga Fakultete Publike dhe Private;
- c. Institute Kërkimore e Arsimore;
- d. Operatorë ekonomik;
- e. Institucione publike si Bashki, Njësi Administrative etj.;
- f. Agjenci Rajonale apo Kombëtare etj..

Në të gjitha rastet roli Aplikantit kryesor dhe Bashkë-aplikantëve duhet të dali qartë në projekt propozim.

Numri i aplikimeve për çdo modul



Aplikantët të cilët duan të jenë aplikant-kryesor të Rrjeteve qofshin ato Rajonal apo Kombëtar mund të jenë vetëm 1 (një) herë të tillë dhe nuk kanë të drejtë të ri-aplikojnë si Bashkë-aplikant në asnjë prej Rrjeteve.



Organizatat të cilat duan të aplikojnë si Bashkë-aplikant në Rrjetet Rajonale apo Kombëtare mund të aplikojnë deri në 2 (dy) herë si të tillë. Ato mund të zgjedhin të jenë dy herë partner në Rrjetet Rajonale, Rrjetet Kombëtare apo një kombinim i të dyjave.



Aktorët me të cilat OSHC-të mund të lidhin partneritet (listuar në 4.2.2) mund të aplikojnë vetëm 1 (një) herë si partner në një nga dy tipologjitë e Rrjeteve.

E rëndësishme: Organizatat lider përfituese të granteve të Partneritetit, **nuk mund të aplikojnë në këtë thirrje.** Nga ana tjetër organizatat fituese të granteve të Iniciativës dhe partnerët tek grantet e Partneritetit **mund të përfshihen si bashkë-aplikantë në këtë thirrje vetëm 1 (një) herë.**

Temat potenciale



Koalicioni për Kapitullin 27

Këtu mund të synohet të adresohet/analizohet një apo një grup prej nën-kapitujve të **Kapitullit 27** sa i takon nivelit të përafrimit, zbatimit të direktivave si edhe kapacitetet e nevojshme për përafrimin e zbatimin e tyre. Si dhe ndikimin e këtyre politikave në nivel lokal.

Rrjeti për Cilësinë e Ajrit

Këtu mund të synohet qartësisht monitorimi, sensibilizimi dhe ndikimi në politikbërje për një apo një grup të ndotësve të ajrit urban. Sikundër mund edhe të jetë një rrjet i dedikuar i cili merret specifikisht me gjurmimin e ndotjes nga një sektor specifik.

Rrjeti për Shërbimet e Ekosistemit Urban apo Natyror

Këtu mund të synohet si vlerësimi sasior apo cilësor i këtyre shërbimeve në një zonë apo habitat të caktuar, por mund të jetë edhe ngritja e një metodologjie vlerësimi e cila do i shërbente autoriteteve lokale e qendrorë në proceset e tyre vendim-marrëse.

Temat potenciale

Rr. për Menaxhi min e Mbetjeve

Sugjerohet si tematikë për rrjetet rajonale, mund të adresohen çështje praktike për përmirësimin e modelit apo alternativave të menaxhimit të mbetjeve në tërësi apo të një rryme të caktuar. Ky rrjet duhet të jetë në linjë me dokumentat strategjik kombëtar, rajonal e lokal si dhe të promovojë praktika të mira ekzistuese.

Rr. Veprimit ndaj N. Klimatike

Mund të punohet me sektorë të veçantë si uji, menaxhimi risqeve nga ndikimet klimatike, bujqësia etj. duke synuar mbështetjen ndaj autoriteteve lokale në përgatitjen e tyre tematike dhe teknike në raport me përballimin e këtyre risqeve të mundshme.

Rr. Eficiencë & Energji Rinovuesh me

Mund të punohet në nivel rajonal për të identifikuar mundësi reale në funksion të rritjes së E.E.me fokus godinat publike apo përdorimin e E.R. në to. Eksplorimi i hapësirave ligjore dhe praktikave të lidhura me autonominë energjitike për ato subjekte të cilat duan të vet-prodhojnë energji si dhe ngritjen e diskutimit mbi çështjen e varfërisë energjitike.

Rr. Mrojtjen e Habitatëve /Biodiversitetit

Nën këtë tematike rrijetet mund të fokusohen si në nivel rajonal por edhe në nivel kombëtar duke qenë se subjekt i kësaj teme mund të jenë si politikat kombëtare të menaxhimit të tyre por edhe ato rajonale ku tipologjia e zonave të mbrojtura dhe biodiversiteti lidhet me territorin (detar, fushor, kodrinor apo malor).

ME RËNDËSI TË VEÇANTË


- Trajtimi tematik që pritet nga rrijetet rajonale duhet patjetër të jetë i fokusuar në çështje të cilat janë nën përgjegjësinë e autoriteteve lokale apo rajonale.
- Rrijetet kombëtare nga ana tjetër duhet të ndërtojnë qasjen për temën e tyre në mënyrë që të influencojnë politika në nivel qendror.

Në këtë thirrje, pritet që OSHC-të të aplikojnë qasjet e mëposhtme

- a. Të përfshihen në procesin dhe **dialogun me politikë-bërësit** lokal/rajonal/kombëtar;
- b. Të angazhojnë dhe **mbështesin komunitetet** apo grupimet e ndryshme në kërkesat e tyre për një mjedis të shëndetshëm apo në mbrojtje të habitatit;
- c. Të prezantojnë **modele inovative** në **menaxhimin dhe monitorimin e mjedisit** në nivel lokal/rajonal/kombëtar;
- d. Të përdori mjete komunikimi tradicionale dhe novatore për të adresuar problematikën e ngritur;
- e. Të **advokojnë** alternativën më të mirë për zgjidhjen e çështjes mjedisore;
- f. Të mbështesë iniciativa e praktika të suksesshme në kuadër të mbrojtjes, promovimit dhe bashkëpunimit ndërmjet palëve në fushën e mjedisit;
- g. Të ofrojnë alternativa për zgjidhjen e problematikës së ngritur nëpërmjet **hartimit të dokumenteve/letrave të pozicionimit**;
- h. Të mbështesin **kërkimin dhe raportimin të bazuar** në fakte dhe të dhëna nga terreni;
- i. **Investime konkrete** të cilat ndihmojnë në adresimin e problematikës së ngritur.

- a. Aktivite që kanë të bëjnë me **financimin e individëve** për të marrë pjesë në seminare, konferenca dhe kongrese për qëllime personale **nuk janë të lejueshme**;
- b. Investime në **pronë** apo favor të **subjekteve private nuk janë të lejueshme**.
- c. **Blerja e paisjeve** si laptop, projektor, aparate fotografike, printer apo të tjera si këto të cilat **nuk janë në funksion të adresimit të problematikës** së ngritur **nuk janë të lejueshme**.

Green-AL sygjeron të gjithë aplikantët që në propozimet e tyre të krijojnë hapësirën e nevojshme (propozimi narrativ dhe financiar) për përfshirjen e një personi të dedikuar i cili do të hartoj, koordinoj e implementojë procesin e komunikimit. Elementët e komunikimit përfshijnë por nuk kufizohen në:



Organizatrat fituese, do të jenë pjesë e një trajnimi të dedikuar mbi zbatimin e rregullores së vizibilitetit të hartuar nga Green-AL.

Green-AL synon të sigurojë **integrimin gjinor** në të gjitha ose pjesën më të madhe të **aktiviteteve të mbështetura nga ky projekt**, ku përfituesit e granteve kanë mundësinë që të sjellin projekte dhe nisma që i përgjigjen më së miri nevojave dhe mundësive të ndryshme të **burrave dhe grave, djemve dhe vajzave** për sa i përket mbrojtjes së mjedisit.

Sugjerojmë që gjatë hartimit të projekt propozimeve të merren në konsideratë elementë të fillë si:

- Në aktivitete të tilla si konsultime, tavolina të rrumbullakëta, aktivitete ndërgjegjësimi të ketë një pjesëmarrje minimale 30% nga secila gjini;
- Të shqyrtohet impakti që çështja e ngritur nga ju, ka mbi burrat dhe gratë;
- Produktet dhe materialet e prodhuara nga projekti, të janë të ndjeshme ndaj gjinisë.

Aplikimet duhet të dorëzohen në përputhje me përcaktimet e Udhëzuesit.

Aplikuesit duhet të përgatisin dhe të dorëzojnë aplikimet e tyre në gjuhën shqipe si dhe një përmbledhje (300 fjalë) në gjuhën Angleze (*pjesë integrale e Formularit të Aplikimit*).

Dokumentet Tip të Aplikimit:

Formati i aplikimit narrativ	(Aneks 1)
Formati i buxhetit	(Aneks 2)
Formati kornizës logjike	(Aneks 3)

Dokumentet mbështetëse kërkuar ndaj aplikantit Udhëheqës:

1. Vendim i regjistrimit në gjykatë (kopje);
2. Statuti dhe Akti i Themelimit të organizatës (kopje);
3. Regjistrimi në zyrën e Tatim-Taksave, NIPT (kopje);
4. Profili Organizativ ku evidentohet qartë përvoja e punës në fushën e mjedisit (CV e organizatës);
5. CV e ekspertëve kyç të cilët do të përfshihen në projekt;
6. Marrëveshje bashkëpunimi në të cilën të evidentohet roli i secilit prej partnerëve.

E rëndësishme: Sigurohuni që po dorëzoni të gjitha dokumentet mbështetëse. Aplikimet e paplota dhe që nuk plotësojnë rregullat e vendosura, do të refuzohen.

Afati i pranimit të aplikimeve: e Hënë 31 Janar 2022, ora 16:00.

Aplikantët në këtë thirrje duhet të dërgojnë në adresën e **Co-PLAN, Instituti për Zhvillimin e Habitatit**: co-plan@co-plan.org dokumentet e kërkuara në këtë udhëzues vetëm në formatin elektronik.

Sugjerojmë të gjithë palët e interesuara të shmangin dorëzimin në momentin e fundit pasi mund të ketë mbingarkesa të sistemit operativ dhe çdo dorëzim i regjistruar nga sistemi ynë **pas orës 16:00 nuk do të trajtohet** nga Komisioni i Vlerësimit.

Afati i fundit kohor për t'i drejtuar pyetje sqaruese Autoritetit Kontraktues: e Premte 14 Janar 2022, ora 16:00

Aktiviteti	Shënime
1. Pjesëmarrje në procesin e Inkubimit	Green-AL do të zhvillojë procesin e Inkubimit si një mënyrë për të ndikuar në rritjen e kapaciteteve të OSHC-ve Shqiptare në fusha të ndryshme mjedisore. Për këtë arsye grant-marrësit do të duhet të parashikojnë pjesëmarrjen e tyre në këtë proces duke e bërë pjesë integrale të propozimit të tyre.
2. Organizimi i eventeve për komunitetet, organizata të shoqërisë civile, akademikët dhe të rinjtë që janë të interesuar për mbrojtjen e mjedisit dhe të burimeve natyrore	Aplikantët do të duhet të parashikojnë në projekt propozim zhvillimin e takimeve me grupet e interesit të zonës/Bashkisë/Qarkut në të cilin ata zbatojnë projektin. Këto takime do të shërbejnë për të promovuar projektin dhe ndarë informacion me grupet e interesit në lidhje me projektin që ju do të zbatoni.
3. Mobilizimi i komunitetit në trajtimin e çështjeve lokale mjedisore	Aplikantët fitues mund të organizojnë trajnime tematike brenda rajonit me mbështetje nga ekspertë kombëtare dhe/ose ndërkombëtarë që konsistojnë në: rolin e femrave në sektorë të ndryshëm të mjedisit në varësi edhe të idesë së tyre; ekonominë qarkulluese, manaxhimin e burimeve, planifikimin mjedisor nëpërmjet shërbimeve të ekosistemit, manaxhimi i mbetjeve, efikasiteti energjie, energjia e rinovueshme në zonat urbane, etj.);
4. Aktivitete edukuese me të rinjtë	Aplikantët mund të parashikojnë në projekt propozim aktivitete edukuese me të rinjtë e shkollave 9 vjeçare, të mesme e të larta.
5. Raporti Tematik Rajonal/Kombëtar	Aplikantët duhet të parashikojnë në projekt propozim hartimin e një raporti përmbledhës në të cilin analizojnë tematikën që kanë marrë në shqyrtim si edhe të japin propozime (<i>teknike dhe/ose politike</i>) për t'i zbatuar ato.
6. Dokument politikash dhe Letër pozicionimi	Aplikantët duhet të parashikojnë në projekt propozim në varësi edhe të tematikës së zgjedhur hartimin e një dokumenti politikash dhe/ose hartimin e një letre pozicionimi.
7. Shkëmbim i iniciativave të Organizatave në Ballkanin Perëndimor	Aplikantët mund të parashikojnë në projekt propozimet e tyre aktivitete të shkëmbimit të eksperiencave me Organizata Mjedisore nga Ballkani Perëndimor (Kosovë, Mal të Zi, Maqedoni e Veriut, Greqi dhe Itali); Nëse do të përfshihen në projekt propozim duhet të specifikohet vlera e shtuar e tyre.
8. Pjesëmarrje në Konferencat Kombëtare të projektit	Organizatave duhet të sigurojnë pjesëmarrjen me kontribut specifik nga projekti i tyre, në çdo konferencë kombëtare vjetore të organizuar në kuadër të projektit Green-AL “Fuqizimi i Organizatave të Shoqërisë Civile për Mbrojtjen e Mjedisit në Shqipëri”;(2 në total) Pjesëmarrja e tyre mund të listohet si një nga mjetet për shpërndarjen/diseminimin e rezultateve të projektit të tyre.

¹¹ Në thirrje do të gjeni planin e dedikuar të programit Green_AL për inkubimin. Kjo ju vjen në ndihmë për përcaktimet sasiore dhe kohore të angazhimit që do të reflektoni në planin tuaj të punës dhe aktivitete.

Pyetje?

KALENDARI INDIKATIV I PROCESIT

Afati i fundit kohor për t'i drejtuar pyetje sqaruese Autoritetit Kontraktues	<i>14/01/2022 Ora 16:00</i>
Afati i fundit kohor për dërgimin e Aplikimeve	<i>31/01/2022 Ora 16:00</i>
Informimi i aplikantëve mbi marrjen e projekt propozimit / Nr. Prot	<i>03/02/2022 Ora 16:00</i>
Vlerësimi administrativ i aplikimeve	<i>10/02/2022 Ora 16:00</i>
Vlerësimi përmbajtësor nga Komisioni i Vlerësimit	<i>08/03/2022 Ora 16:00</i>
Njoffimi i aplikantëve për rezultatin e aplikimeve	<i>11/03/2022 Ora 16:00</i>
Afati i fundit në dispozicion për ankimim	<i>18/03/2022 Ora 16:00</i>
Kthim përgjigje për ankimimet	<i>25/03/2022 Ora 16:00</i>
Ceremonia e firmosjes së granteve	<i>31/03/2022 Ora 10:00</i>